



Universitätsbibliothek Paderborn

**Catholisch Pfarbuch Oder Form vnd Weise/ wie die
Catholischen Seelsorger (jetziger hochgefährlicher zeit)
jre Krancken eingepfarren ohne vnderscheidt besuchen
... sollen**

Leisentritt, Johann

Cölln, 1590

VD16 L 1067

26. Ein andere gar kurtze vnderweisung vnd bericht/ von dem
Hochwirdigen Sacrament des Altars/ das dasselbe anzubetten/ vnnd aller
Ehr wirdig sey/ das auch durch die ordentliche außgesprochenen ...

urn:nbn:de:hbz:466:1-39235

wie ihr wisset / nemen wir mit dem Munde / esliche vber
den ganzen leib / esliche an der stirne.

Auß den Sprüchen Prosperii.

Wann die Hostia gebrochē / vnd das Blüt auß dem Kelch
in der glaubigen Munde gegossen wirdt / was ist es anders /
als die auffopfferung des Herrn Leibs am stamb des Creus-
ses / vnd die vergießung seines Rosensfarben Bluts / auß
seiner seitten geflossen / 2c.

Mehr magstu lesen bey dem Leone in der dritten Predigt
in der Fasten / vnd bey andern Vhratten Catholischen vn-
uerdechtigen Christlichen Schribenten / vnd dich also vnd
hiermit / in der waren Christlichen Kirchen / eintrectigkeit /
gehorsam dem demuth / Gott dem Almechtigen trewlich be-
fehlen / AMEN.

Ein andere gar kurtze Vnderweisung
vnd Bericht von dem Hochwürdigen Sacrament
des Altars / das selbige anzubetten / vnd aller Eh-
renwürdig / darneben durch die Ordenliche auß-
gesprochen wörter Christi / vnd nit durch die
gegenwertigkeit der Communican-
ten Christus allda Leib-
hafftig sey / 2c.

1. Tim. 1. 4.
Iud. 2.

Reger mag
then die me-
schafft.

Jeder guter freunde / wir sehen vnd erfahren es täglich /
das der Schwer mer so viel entstande / die da von dem
Hochwürdigen Sacrament des Altars auß eigensin-
nigkeit so viel plaudern / damit sie den armen einfeltigen
Man / ganz vnd gar verwirren / vnd irre machen / das er niche
weiß

weißt leßlich wo hinauß / darumb müßt du denselben gesellen
gar nicht folgen / sonder halte dich an die H. Allgemeine Ca-
tholische Christliche Kirche / die du in deiner Tauff bekennet
vnd angenommen hast. Bleibe beständig in derselben einig-
keit / halte vnd glaube von diesem H. Sacrament / vnd alles
wie sie es bisher gar viel hundert Jar nach einander / dich be-
stendiglich gelehret / vnd dir vorgebildet hat. Ob ihr gleich die
abtrinner vnd verfolger hefftig entgegen seyn / sie / auch ver-
achten vnd schimpfflich von ihr reden / allein das bloße wort
Gottes / zu einem scheinlichen betrug nemen vnd Mißbrau-
chen / dasselbe nach iren gefallen auflegen / vnd bey den haren
in ire meinung ziehen / doch richten sie nichts auß / sonder wer-
den darüber zuschanden / vnd müssen zuboden gehen / wie wir
dessen an allen Kezeren / vnd abtrinnern genugsam Exem-
pel haben / das sie schendlich vmbkommen vnd verdorben
sein.

Daß die heilige Catholische algemeine Christliche Kirche
die da ist vnd bleibt eine Seule vnd grundfest der ewigen
warheit / glaubet / lernet / Seule vnd erhelt / diß recht / das
in den Hochwürdigen Sacrament / vnter der gestalt des
Brodts / welches ordentlicher nach Christi vnd der H.
Aposteln einsetzung / mit rechtschaffener Intention vnd vor-
satz eines rechten geordinirten Preisters Consecrieret ist /
Das der ware lebendiger leib Christi warhafftig / wesent-
lich vnd selbstendig / vnd vollkommen bleibet auch anzu-
beiten vnd ernstliches fleißes zuehren sey / so lange die sicht-
barliche gestalt des Brodts da ist / vnd geschehen kan
werden.

Deß gleichens ist dir vnd einem jedem Christen nöthig
zu wissen / das von dem Blut Christi / vnter der gestalt des
Weins eben also zu Judiciern / zuglauben vnd zuhalten ist.
Vnabgesehen / da gleich niemandt vorhanden were / der es

R ij Per: gewiß

1. Tim. 3.
Matth. 24
Esai. 45.

Der H. All-
gemeinen
Kirchen zu
folgen.

Wider die
Kirche were
nichts auß-
gericht.

1. Tim. 3.

Col. 2.

Matth. 26.

Mar. 14.

Lu. 22. 24.

1. Cor. II.

Ioan. 6.

Intention

zur Conse-

cration vor-

nöthig.

Psal. 77.

Prou. 9.

Sap. 16.

1. Cor. II.

2. Cor. 9.

Act. 20.

Im Sacra-

ment des

Altars ist

der wahre
Gott vnd
mensch.
Außerhalb
der Commu-
nicanten ist
vnd bleibet
das Sacra-
ment in sei-
ner krafft.

Personlich brauchen vnd niesen möchte/ dann sonst solte die krafft des Wortes / vnd Sacraments / an dem liegen / der es entpfahen thüt / dadurch daß die Allmechtigkeit des Wortes geschwecht würde / sintemal die Wort Christi / eitel geist vnd leben seindt / das sie auch die Substanz des Brodts in dem lebendigen Leib Christi / des da ist voller Blüts verwandelt / vnd ist gewiß / so beides Brodt vnd Wein / obgedachter ge-
stalt / einmal durch die krafft des Wortes consecrieret ist /

Ioan. 6.

Die wort

Christi vnd

mit die gegē-

wertigkeit

der Commu-

nicanten

sein trefflig.

Consecrier-

te hostia.

Zeugnuß

der Histo-

rien.

Das Sa-

crament zu

halten für

die trancken

kan es doch darnach / wegen des das keiner da ist / der es ge-
niese / das leben vnd die krafft nit verlieren / sonst müste man
die Hostien / welche einmal consecrieret / wiederumb zum
andern mahl conferieren / welches sja so erschrecklich were /
als wann man zum andern mahl einen Tauffen solte. Vnd
ist also einem Christen Mensch nöthig zuglauben / daß das
Sacrament des Altars die krafft vnd vollkommenheit in
der Materie oder gestalt erhelte / vñ nit im brauch / aber in dē
andern geheimnissen / wirt die Historien der Heiligen / er-
füllet durch den brauch / wie dann die Historien der Heiligen
vnd der lieben Martyrer bezeugen / Welches man an den
Jüden (die mit der consecrierten Hostien viel versucht) so
offt sie zum feuer verdammet / sehen vnd erkennen kan.

Darumb pflegen die Catholischen Christen in der Kyr-
chen die consecrierten Hostiam fleißig auffzuheben / vnd zu
behalten in der noth es sey bey tag oder nacht den francken
zugereichen / Derer Exempel bey vnsern Vhralten / vnd
Großvätern / heiligen Martyren vnd Lehrern gar viel vor-
handen / welchen warlich mehrer dann den sigen eigensinnis-
gen / Auffrurischen vnd Wütenden Schwermern zuglau-
ben ist.

Derhalben lieber freundt N. gereiche vnd gebe ich dir
alhie / vermöge meines tragendes Ampts / an Gottes stadt /
den rechten wahren Leib vnd Blüt vnsero I E X X E N

JESU

Vonder H. Communion.

81

JESU CHRIS T / der es im Nachtmal / als ehr
hatt sollen verzathen werden / eingesetzt hatt / zum gedechtnus
seines heiligen bittern leidens / vnd zuerkundigung seines
todis / Welches dir / als einem der heiligen allgemeinen
Christlichen Kirchen / Ja **J**ESU **C**H **R**I **S**T **I** selbst eingeleib-
ten Mitglied bekomme vnd gelange zu dem Ewigen leben /
A M E N.

Der wahr-
haffige Leib
vnd Blut
Christi im
Sacrament.
Matth. 26.
Mar. 14.
Lu. 22. 24
Ioan. 6.
1. Cor. 10. 11

Ein Dancksagung welche der Priester
dem Communicanten (wann er das Sacrament in
einer oder zweyer gestalt empfangen hat) soll
vorfagen vnd im nachsprechen lassen /
doch zuuor dise kleine vor-
redethun.

Kurze Vorrede des Priesters an den
Communicanten.

Glieppter in Christo / weil dir der Allmechtige gütige
Gott die gnade geben / vñ verliche hatt / das du seines
Leibs vnd Bluts theilhaftig worden bist / so wol-
lestu demselben auch dancken / vnd mir nachsprechen.

Ein andechtig Gebett vnd dancksagung des
Communicanten.

HE R R Himlischer Vatter / Ich sage dir lob / ehr
vnd danck / das du auß vnsprechlicher liebe / deinen
eingebornen Sohn in die Welt gesandt / welcher
Mensch worden / vnd dir gehorsam gewest ist / bis in den todt
des Creuzes / an welchen ehr sein eigen fleisch in todt geben /
vñnd